







# Kgogo le Legokolodi

-  Winny Asara
-  Magriet Brink
-  Bathokwa Educators
-  Sepedi
-  Level 3





Kgogo le legokodi e be e le bagwera. Ba be ba ngangišana ka mehla. Ka tšatši le lengwe ba ile ba gopola go bapala kgwele ya maoto gore ba kgone go bona gore nkgwete ke mang.



Ba ile ba ya lebaleng la kgwele ya maoto moo ba ilego ba thoma gona go bapala. Kgogo e be e le mafolofolo empa lekgokolodi le be le le mafolofolo ka go fetišiša.




Ba ile ba gopola go thoma ka go raga di penali.  
Mathomong lekgokolodi le ile la ba  
moswaradino.Kgogo e ile ya kora nno e tee fela. Ya  
ba go latela kgogo ka goba moswaradino.



Lekgokolodi le ile la raga kgwele gomme la kora.  
Lekgokolodi le ile la laola kgwele ka go e bea  
dinaong tša lona gomme la nweša. Lekgokodi la  
betha kgwele ka hlogo gomme la nweša.  
Legokolodi le ile la nweša dino tše hlano



Gomme kgogo e ile ya kgopišega morago ga go lewa. Ka nnete e ile ya ba mofengwa wa go leša dihlong. Legokodi le ile la thoma go sega morago ga ge mogwera wa lona a befelwa



Kgogo e ile ya befelwa mo e ilego ya bula molomo  
wa yona gagolo gomme ya metša legokolodi



Ge kgogo e lebile gae, ya kopana le mmagwe legokolodi. “ A ga se wa bona ngwana wa ka na?” gwa botšiša mmagwe legokolodi. Gomme kgogo ya se bolele selo. Empa mmagwe legokolodi a thoma go belaela





Ke ge mmage legokolodi a e kwa lentšwana le lennyane le re: “ Nthuse mma!” Mmagwe legokolodi a thoma go lebelela mathoko ka moka, a theeletša ka šedi. Lentšu leo le be le etšwa ka gare ga kgogo.



Mmagwe legokolodi o ile a goelela a re: “Šomiša maatla a gago ngwanaka!” Legokolodi le kgona go ntšha monkgo o makatšang le go sa be le tatšo e bose. Gomme kgogo ya thoma go lwala



Kgogo e ile ya thoma go betola. Ya hlafuna le go metša. Ya ethimola le go gotlhola, ya gotlhola. Legokolodi le be le nyenyiša



Kgogo e gotlhotše go fihlela e tshwa legokolodi.  
Mmago legokolodi le ngwana wa gagwe ba ile ba ile  
ba gagabela ka tlase ga mohlare go iphihla



Go tloga tšatšing leo, kgogo le legokolodi ya ba manaba a magolo



# Storybooks South Africa

[global-asp.github.io/storybooks-southafrica](https://global-asp.github.io/storybooks-southafrica)

## Kgogo le Legokolodi

Written by: Winny Asara

Illustrated by: Magriet Brink

Translated by: Bathokwa Educators

This story originates from the African Storybook ([africanstorybook.org](https://africanstorybook.org)) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons  
[Attribution 3.0 International License](https://creativecommons.org/licenses/by/3.0/).